

元朝名臣事略

中



元朝名臣事略〔全三冊〕

〔元〕 蘇 天 爵 著

中華書局出版

〔北京復興門外翠微路二號〕

新華書店北京發行所發行

中華書局排版廠印刷

一九六二年十一月第一版北京第一次印刷

開本：一三三乘二〇〇毫米 印張：四〇

印數：毛邊紙六〇〇 定價：毛邊紙六元

連史紙六〇〇 連史紙八元

書號：一一〇一八·三七〇 京版：石印

國朝名臣事略卷第六

總帥汪義武王

卷六之一

王名世顯字仲明鞏昌人金季以戰功擢千夫長累遷鞏昌府便宜總帥金亡踰年始屬

國朝職仍舊尋賜金符伐蜀有功癸卯歲卒年四十九

公系出汪骨族貞祐二年西北觔觔階戰功起家爲千夫長八轉領同知平涼府事正大四年領隴州防禦使進征行從宜分治陝西西路行六部郎中西南調度窘迫公發家貲率豪右助邊隣郡効之軍餉以之不絕六年以鞏州衝要之地升鞏昌府改兼治中轉同知兼叅議帥府機務是時所在殘滅饑疫荐臻公與便宜總帥完顏仲德擁將士吏民出保石門九年仲德勤王東下公拜便宜總帥制旨大約屬以社稷爲念公感泣自奮至於糧械莫不精贍明年京城變郡縣風

靡公獨爲之堅守越三年猶按堵如故而外攻不弛謂其衆曰宗祀已矣吾何愛一死千萬人之命懸於吾手平居享高爵厚祿死其分也餘者奚罪與其自經於溝瀆姑徇一時之節孰若屈己紓斯人之禍會頓兵城下率僚佐耆老持牛羊酒幣迎謁焉曰吾征討有年所至皆下汝獨爾耳何也對曰有君在上賣國市恩之人諒所不取王大說勅其下絲髮無所犯蓋乙未冬十月四日也旦詣行帳寵之以章服職仍故即日南征鳩士馬截嘉陵蹶大安未幾觀旋疊承獎資揚文撰神道碑○又蜀郡真公文集云國家龍興朔漢威行萬方金源日蹙吏士守者或降或死且盡不能成軍山東西之閭豪傑並起據保城壁大括非金署置之舊羣昌汪氏高制遠統郡縣數十勝兵號萬戶曰便宜都總帥石門爲金守者三出及我兵攻羣昌則金亡已三歲矣汪氏猶爲金發喪登陣哭三日因皇子闕端以自歸太宗察其誠仍以便宜都總帥鎮該地取蜀之役資糧甲兵之賦終始畢給功多之紀官將鮮麗焉此詩出職者所以出隴右王也王有子七人孫十又九人多居將相官封公者九人傳五世兄弟子孫百八十餘以總軍羣昌者既出其職餘

癸卯春公且疾忽被召即戒首途既見錫虎符擢便宜總帥
手扎付秦鞏定西金蘭洮會環隴慶陽平涼德順鎮戎原階
成岷疊西和等二十餘州事無鉅細惟公裁決以愛深責重
疾再作竟不起

碑神道

公器局宏遠資仁孝奉養太夫人斯須靡忘征南得旨酒不
遠數千里載歸以備滫瀡馳喪不御酒肉劬勞之日必致齋
薦祭喜儒術聞介然之善應接無少倦罷羈人寒士至解衣
推食生館死殯各得其所還自蜀輦書數千百卷而圖畫半
之士卒必與同甘苦如父兄之於子弟然臨陣整肅無敢干
者憫新民未輯刑清役寡縱所不免猶度力緩期不至急暴
上下相安不聞告訐或有牽連議從寬釋同屬異主者多盡
力購聚之每事先立規程而後與之以及訟庭驛舍則靜若
隆平時休沐對客命觴雅歌投壺而已燕居逸遊若不勝衣

遇敵先登刈旗斬將勇壓三軍雖古名將無以加矣神道碑

萬戶嚴武惠公

卷六之二

公名實字武叔泰安長清人金季據東土歲庚辰籍所部州民來歸太師國王承制授金紫光祿大夫行尚書省事甲午朝于和林授東平行軍萬戶庚子薨年五十九

公幼警悟略知讀書及長志節豪宕不治生產爲人美儀觀喜交結好施與落魄里社間屢以事被繫俠少輩愛慕之多爲出死力以故得脫去續山元公撰神道碑

癸酉秋國兵破中夏已而北歸東平行臺調民爲兵以公爲衆所伏署百夫長明年春泰安張汝楫據靈巖遣別將攻長清公破走之以功授長清尉戊寅六月攝長清令八月宋人取益都乘勝而西行臺檄公備芻糧爲守禦計公出督租比還而長清陷尋以兵復之有譖于行臺者謂公與宋有謀行

臺疑公以兵圍之公挈老幼壁青崖依益都主將以避之宋
因以公爲濟南治中分兵四出所至無不下於是太行之東
皆公所節制矣

神道碑

庚辰三月河南軍攻彰德守將單仲力不支數求公救公請
於主將主將逗留不行公獨以兵赴之比至而仲被擒公知
宋不足恃七月謁先太師國王於軍門挈所部彰德大名磁
洛恩博滑濬等州戶三十萬以獻太師承制拜公金紫光祿
大夫行尚書省事其年進攻曹濮單三州皆下之

神道碑

偏將李信留鎮青崖嘗有罪懼誅棄公出征叛降于宋公兄
及夫人杜氏皆遇害辛巳公以兵復青崖擒信誅之進攻東
平守將和立剛棄城走公入居之

神道碑

壬午宋將彭義斌說青崖晁海叛公之家人復被略去義斌
軍西下郡縣多爲所脅乙酉四月遂圍東平公間遣人會大

將李里海軍軍久不至城中食且盡乃與義斌連和義斌亦欲藉公取河朔而後圖之請以兄事公時麾下衆尚數千義斌不之奪而青崖所掠則留不遣七月義斌下真定道西山與李里海等軍相望分公以帳下兵陽助而陰伺之公知勢已迫即連趣李里海軍而與之合戰始交宋兵崩潰乃擒義斌不旬月先所失部分盡復之是冬郡王帶孫取彰德明年取濮東平又明年太師攻益都凡公之功所在皆爲諸道之冠

神道碑

庚寅四月朝于牛心之帳殿

天子賜之坐宴享終日錫公虎符寵以不名又數數目公顧

謂侍臣言若嚴公者真福人矣

神道碑

甲午朝于和林城授東平路行軍萬戶偏裨賜金符者八人初公之所統有全魏十分齊之三魯之九及是畫境之制行

公之地於魏則別爲大名又別爲彰德齊與魯則復以德充
濟單歸于我

碑神道

丁酉九月詔命公母出征伐當是時公以百城長東諸侯者
十五年矣始於披荆棘扞豺虎敝衣羈食暴露風日挈溝壑
轉徙之民而置之衽席之上以勸耕稼以豐委積公帑所積
盡於交聘燕享祭祀賓客之奉而未嘗私貯之辟置俊良汰
逐貪墨願指所及竭蹶奉命不三四年由武城而南新泰而
西行於野則知其爲樂歲出于塗則知其爲善俗觀于政則
知其爲太平官府而公之心力亦已盡矣

碑神道

上亦雅知公不

便鞭馬念其功而憫其勞優卹如此

公病風痺久人有勸迎良醫者笑曰人豈不死耶得無疾痛

以沒足矣

碑神道

公旣握兵柄顓生殺時年已長經涉世故乃更折節自厲間

亦延致儒士道古今成敗至前人良法美意所以仁民愛物者輒欣然慕之故雖起行伍間嚴厲不可犯至於仁心爲質者亦要其終而後見也

神道碑

初彰德旣下又破水柵郡王怒其反復驅老幼數萬欲屠之公曰此國家舊民吾兵力不能及爲所脅從果何罪耶王從公言釋不誅繼破濮州復欲屠之公言百姓未嘗敵我豈可與兵人併戮之不若留農種以給芻秣濮人免者又數萬其後於曹於定陶於楚丘於上黨蓋未有不然者大兵由武休出襄鄧公時在徐邳間以爲河南破屠戮必多乃載金繒往贖之且約束諸將毋敢妄殺有所鹵獲必使之骨肉完保靈壁一縣當廢者五萬人公悉救之兵人旣素服公言重爲資幣所誘故皆全濟中有求還鄉里者悉縱遣之是冬大飢生口北渡者多餓死又藏亡法嚴犯者保社皆坐逋亡纍纍無

所於託僵尸蔽野八命作糜粥盛置道旁人得恣食之所活者不知幾何人矣

神道碑

初公之部曲有亡歸益都者數十人益都破皆獲之人以爲必殺公一切不問王義深義斌之別將聞義斌敗將奔河南凡公族屬之在東平者皆爲所害河南破公獲義深妻子厚爲賙恤之送還鄉里終不以舊事爲嫌其能人之所難能又如此

神道碑

東州旣爲樂土四外之人託公以爲命者相踵也公爲之合散亡業單貧舉喪葬助婚嫁多求而不靳屨至而不厭肉骨之賜蓋有不勝書者故聞公之訃遠近悲悼野哭巷祭旬月不能罷古所謂愛如父母敬如神明者於公見之

神道碑

帝王之興天將舉全所覆者而畀之時則有魁偉宏傑之士爲之倡大義建大事一六合之同異定羣心之去就初貞祐南

渡豪傑乘亂而起四方之人無所歸命公據上流握勁兵威望之著隱若敵國人心之所以爲楚爲漢者皆倚之以爲重至是曉然知天命所在莫敢有異志國家亦藉之以成包舉之勢非天使之倡大義建大事以應興王之迹其能若是乎

碑神道

萬戶張忠武王

卷六之三

王名柔字德剛易州定興人金季累遷中都留守行元帥府事國兵至被執授河北東西等路都元帥金亡入覲遂遷萬戶將兵伐宋中統三年以年老乞致仕封安肅公至元三年城大都起判行工部事進封蔡國公五年薨年七十九

公少倜儻不羈讀書略通大意工騎射尚氣節喜游俠金貞祐間河朔擾攘土寇蜂起公聚族黨數千家壁西山東流塌

選壯士團結隊伍以自衛遠近憚之莫敢犯以功授定興令

累遷清州防禦使中都路經略使苗道潤表其材加昭勇大

將軍遙領永定軍節度使權元帥右都監行元帥府事興定

初道潤爲其副賈瑤所害瑤不自安遣使者以好辭告公曰

吾得除道潤以君正直不以兵力黨惡人故也公怒叱使者

還白瑤曰汝賊吾所事不即送死乃敢以此言相戲耶遂擲

召道潤部曲會易水之軍市川告以復讎之意衆因羅拜推

公爲長事聞遷中京留守兼知大興府事時戊寅夏五月也

公年二十有九王忠文公撰神道碑。又陵川文集云初中

數騎出瑤伏甲射之輒于道左從者致散有伺伯祥者獨下

乃腰去遂取道潤所佩金虎符以出令疾足聞諸朝乃

命易水公靖安民代道潤伯祥因事之是歲興定元年也明

以將歸歸公方會兵攻瑤而國朝大軍出紫荆關遂率所部戰于狼牙嶺

馬跌被執見主帥立而不跪左右強之公叱曰彼帥也吾亦帥也大丈夫死即死終不偷生爲它人屈帥壯而釋之其散卒稍稍來集主帥恐公爲變質二親于燕公嘆曰吾受國厚恩不意猖獗至此顧忠孝不兩立姑爲二親屈遂委質焉未幾復舊職建旆而南下雄易安保諸州然猶不忘道潤之冤必欲誅瑤而瑤據孔山臺拒命自若遂攻之臺無井泉汲山下公先斷其汲道瑤乃降公縛瑤剖心以祭道潤時人義之

王文康公
墓誌

戊寅冬徙治滿城城小而缺真定帥武仙會鎮定深冀兵數萬來攻適令軍出帳下才數百人公以老弱婦女乘城帥壯士突出敵後毀其攻具且策其師老而怠從數騎策馬挾槊大呼入圍敵皆披靡復使綠山張旗幟聲言救至曳柴揚塵鼓譟以進敵大潰追擊遺尸數十里乘勝攻完州下之

州併
觀全

陳機發幾公義祁陽曲陽等帥皆來降遂圍中山仙遣其將
葛鐵槍來救戰于新樂蠻矢中公領落其二齒公拔矢以戰
大破之斬首數千級仙猶畜憾遣豪城令劉成將兵來侵公
生獲成而復縱之墓誌

己卯秋八月南掠地至鼓城羣騎入城諭以禍福鼓遂降進
攻深澤寧晉諸縣皆下之由是深冀以北鎮定以東三十餘
城莫不聽命緣山反側鹿兒和扣野驪狼山諸砦相繼望風
納款公之威名震河朔矣墓誌

初公在鄉里聞賈瑤以軍三千掠其境當饋而起潛入行間
伺其行及半奮踊大呼多所殺傷衆疑其有伏委仗而遁信
安張甫亦嘗以數千人圍之時全軍悉出所留無幾公三分
之更番接戰甫與公相聞而不識也因問張君安在公給應
曰適出且還我曹卒隸耳甫懼乃退保定王子昌阻水爲固

它將莫敢近公冒險徑渡出其不意生擒之以歸其勇略類

如此陳南王公

隣境帥僕敵張哥者素與公不相能既而爲麾下所殺公聞

之曰彼雖有過然長上也奈何擅殺之卒窮其主名斬首以

徇神道碑

丁亥春以蒲城地隘不能容衆乃移鎮于保保當南北之衝

亂後荒空者十餘年公乃剡荆榛立市井通商販招流亡不

數年官府第舍粲然一新向者井泉鹹鹵不可飲食遂引雞

距一畝二泉鑿城門而入疏爲長河以流穢濁樓觀相望陂

池映帶若圖畫然遂爲燕南一大都會墓誌

初州之廟學在保塞故堙之北及公開府則夾兩關闡翬然

空闕殆非清廟居神之所遂於東南得爽塏地謀遷神居鳩

工賦役毀廡一新講肄之舍庖藏之所以次具舉高廣其舊

幾於倍徙又爲奎文樓于南鑿壁水于西歲戊午春告成迎

神于廟釋奠以落之

陵川文集

壬辰天兵渡河明年計降諸將爭取金繒公獨入史館收金

實錄祕府圖書仍訪求鄉曲耆舊望族十餘家若高戶部夔

李都運特立趙礼部三子贊克剛克基揚翰林子恕壻賈庭

揚護送北歸其薄汴梁寢歸德陷汝南攻徐邳公莫不身先

士卒橫槊轉鬪大小數十戰未嘗敗血戰數日又賈山元公

城之役守者屢出接戰我軍不能前公躍馬橫戈而出大呼

諸帥即馳入陣中呼聲所及无不披靡汝南之役金兵陣於

南門外決死戰宋兵瞻望不進公率步卒二十餘涉水入陣

與南當其鋒諸徐州之役攻之不下宋人出戰公率死士五

十人皆擊之敵退走明日急攻城隨陷論功第一邳州之役

諸軍築壘環其外城中危迫潰圍而出望見公旗幟即犯別

帥軍公率兵敵之又犯一軍公復

敵之敵境敗而諸軍賴之以全

甲午入觀上勞之歷數戰勲曰某軍之勝汝之功也某州

之拔又汝之功也如親見之乃論功行賞陞萬戶易金虎符